

Arkivnr: 2018/7365-2

Saksbehandlar: Eirik Knive

Saksframlegg**Saksgang**

Utval	Saknr.	Møtedato
Utval for kultur, idrett og regional utvikling		20.03.2018

Tilskot til statleg sikring av friluftsområder 2018**Samandrag**

For å sikre område til friluftsliv skaffar det offentlege til veie areal ved erverv av eigedomsrett eller ved avtale om varig bruksrett (servituttavtale). Det viktigaste føremålet med statlege midlar til sikring av friluftslivområde, er at friluftslivet skal styrkast som ein helsefremjande, trivselsskapande og miljøvennleg fritidsaktivitet. Sikring av område for friluftsliv i nærrområde er eit viktig verkemiddel for å nå grupper som er lite aktive.

Areal i nærleiken av bustadområde som kan nåast utan bruk av bil eller båt, og som kan brukast av store folkegrupper i og ved byar og tettstader vert prioritert. Kommunar og interkommunale friluftsråd kan søke på ordninga.

Hordaland fylkeskommune har ansvar for å vurdere og prioritere innkomne søknadar om tilskot til statleg sikring av friluftsområde, og sende søknadane vidare med ei tilråding til Miljødirektoratet innan 1. april. Sakene vert endeleg avgjort i Miljødirektoratet, og dei gir melding til søkar om utfallet innan 1. juli. Det er inga klagerett. Utval for kultur, idrett og regional utvikling får referatsak om utfallet i løpet av hausten.

Klima- og miljødepartementet sine føringar, regional kulturplan for Hordaland (2015-25), kartlegginga og verdsetting av regionale friluftsområde i Hordaland frå 2008 og kartlegging og verdsetting av lokale friluftsområder i kommunane etter rettleiar M98 ligg til grunn for vurderingane.

Økonomi: Tildelinga er i samsvar med budsjett. Tilskotsordningar på kulturfeltet er eit økonomisk verkemiddel og står sentralt i den regionale kulturpolitikken til Hordaland fylkeskommune.

Folkehelse: Statleg sikring av friluftsområder bidrar til delmål 2.2 i Regional plan for folkehelse 2014 - 2025 - fleire gode leveår for alle: Skapa gode friluftsområde for alle.

Regional planstrategi: I regional kulturplan for Hordaland (2015-25) er målet for fagområdet fysisk aktivitet, idrett og friluftsliv at alle skal kunne vere aktive etter eigne ønskje og føresetnader på allment tilgjengelege område i naturen og i anlegg i nærleiken av der dei bur. Statleg sikring av friluftsområder er eit viktig og direkte tiltak mot dette målet.

Generelt	
Budsjett 2018: Nasjonal budsjetttramme	32,4 mill. kr
Søknadsfrist 2018:	15. januar
Vedtak kriteria:	Rundskriv Nr: T-1/17
Kriteria og informasjon om ordninga:	https://www.regjeringen.no/no/dokumenter/tilskotsordningar-for-2018/id2577758/#friluft

Tal på søknadar:	3
Tal på søknadar som er tilrådd støtta:	3
Samla søknadssum:	1.022.000 kr
Tilrådd til fordeling	1.022.000 kr

Forslag til vedtak

Utval for kultur, idrett og regional utvikling tilrår at Miljødirektoratet gjer vedtak om sikring av friluftsområde i følgjande prioriterte rekkefølge:

	Namn på søker	Kommune	Tiltak	Tilrådd støtta med kr
1	Friluftsrådet Vest	Bømlo	Siggjo p-plass	840 000
2	Friluftsrådet Vest	Bømlo	Siggjo tursti	162 000
3	Samnanger kommune	Samnanger	Bjørkheim badevik	0

Rune Haugsdal
fylkesrådmann

Per Morten Ekerhovd
fylkesdirektør, kultur, idrett

Saksframlegget er godkjent elektronisk og har derfor inga underskrift.

1 Vedlegg sikringssøknader 2018

Fylkesrådmannen, 13.02.2018

I Hordaland ligg 76% av alle statlege friluftsområder utanfor tettstader, medan 79 % av alle innbyggjarane bur i byar eller tettstader. Areal i nærleiken av bustadområde som kan nåast utan bruka av bil eller båt, og som kan brukast av store folkegrupper i og ved byar og tettstader skal prioriterast for å nå dei befolkningsgruppene som er lite fysisk aktive og deltek lite innan friluftsliv.

Innan fristen 15. januar kom det inn kun 3 søknadar fordelt på 2 friluftsområder i 2 kommunar. Søknaden frå Samnanger kommune om Bjørkheim badevik omhandlar vederlagsfri omgjering til statleg sikra friluftsområde, og er utan økonomiske føresetnader.

Lokale friluftsområder, som primært vert nytta av brukarar frå ein kommune, kan få statleg støtte opptil 50% av kostnadane. Regionale friluftsområder, som også vert mykje brukt av tilreisande frå andre kommunar, kan få statleg støtte med opp til 100% av kostnadane. Sikring av område for friluftsliv skal ikkje vere ein erstatning for ivaretaking av friluftsliv gjennom kommunale arealplanar, men vere eit supplement til slike planar.

Fylkesrådmannen har vurdert søknadane saman med fylkesmannen, og vektlagt område som blir/ vil bli intensivt nytta og som bør tilretteleggjast for friluftsliv. Samstundes er Hordaland eit kystfylke kor mange friluftsområde langs kysten vert intensivt nytta, med og utan båt. Difor ønskjer friluftsråda i Hordaland og å sikre og legge til rette fleire områder under kategorien båtutfartsområde, trass i at desse områda ikkje skal prioriterast gjennom dei nasjonale retningslinene for denne ordninga.

Viser til vedlegg med oversyn over søknadane med fylkesrådmannens grunngjeving til kvar søknad.